


# KULTURPOSTEN

## DESEMBER 2017

Informasjonsskriv frå kulturadministrasjonen i Radøy kommune



Good time Charlie underheldt på familiedag for heltar og skurkar i Radøyhallen



**RADØY**  
den grønne øya

# KULTURPOSTEN DESEMBER 2017

## Arrangement i Kulturdagane 2018?

Kulturdagane i Radøy vert arrangert i perioden 20.-29. april 2018. Dette er dei siste kulturdagane i Radøy kommune.

Har du, laget ditt eller verksemda di noko de ynskjer å bidra med? Då høyrer me gjerne frå deg! Frist for å melda inn arrangement er 21. januar.

Kontaktperson for kulturdagane er Bente K. Hervik e-post: [bente.hervik@radoy.kommune.no](mailto:bente.hervik@radoy.kommune.no) / tlf. 56 34 90 12.

## Tilskot til arrangement under kulturdagane

Radøy kommune har sett av midlar til gjennomføring av arrangement under kulturdagane. Tilskot kan gjevast til opne kulturarrangement. Arrangement og prosjekt som er nyskapande vert prioriterte.

Tilskotet er behovsprøvd og kan gjevast som underskotsgaranti eller direkte tilskot.

Søknaden skal innehalda skildring av arrangementet, budsjett og finansieringsplan.

Tilskotet vert utbetalt etter at tiltaket er gjennomført.

Søknad kan sendast Radøy kommune, Radøyvegen 1690, 5936 Manger eller [postmottak@radoy.kommune.no](mailto:postmottak@radoy.kommune.no)

**Søknadsfrist er 1. februar.**

## Høyring - Retningsliner for prioritering ved utleige av Radøyhallen

Radøy kommune har utarbeidd utkast til retningsliner for prioritering ved utleige av Radøyhallen. Retningslinene gjeld idrettshallen og bassenga, og omfattar ikkje Ungdomens hus eller skytebanane. Retningslinene gjeld både prioritering ved fordeling av faste leigetider og ved arrangement og aktivitetar.

Utkast til retningsliner ligg ved.

Innspel kan sendast per post til Radøy kommune, Radøyvegen 1690, 5936 Manger eller e-post [postmottak@radoy.kommune.no](mailto:postmottak@radoy.kommune.no).

Frist for å koma med innspel vert sett til 25. januar.

## Tilskotsordningar

### Tilskot til lågterskel fysisk aktivitet for born og ungdom (Hordaland fylkeskommune)

Prosjekt som gjer dei aktive vala enkle for barn og ungdom i lokalmiljøa. Tiltaka skal gje ny kompetanse og overføringsverdi til andre kommunar og organisasjonar. Søknadsfrist er 15. februar.

Sjå fullstendig oversikt over tilskotsordningar i Hordaland fylkeskommune på <https://www.hordaland.no/nn-NO/>

For søknadsskjema og meir informasjon om søknadsordninga, sjå <https://www.hordaland.no/nn-NO/idrett-og-friluftsliv/fysisk-aktivitet/tilskot-til-lavterskel-fysisk-aktivitet-for-born-og-ungdom/>

### Tilskot til friluftsliv (Hordaland fylkeskommune/Miljødirektoratet)

Det blir primært gitt tilskot til friluftstiltak som stimulerer til direkte friluftsliv, som til dømes organiserte turar, friluftslivskurs, praktiske kurs og anna opplæring i friluftslivsaktivitetar. Delar av tilskotet kan nyttast til innkjøp av enkelt utstyr og materiell som medverkar til å fremja friluftslivsaktivitetane. Søknadsfrist 1. februar.

For meir informasjon om søknadsskjema, sjå <https://www.hordaland.no/nn-NO/idrett-og-friluftsliv/friluftsliv/tilskot-til-friluftsliv-kap.-1420-post-78/>

### Turskiltprosjektet (Hordaland fylkeskommune)

Formålet med turskiltprosjektet er å bidra til auka og trygg friluftsfærdse der folk bur og oppheld seg, gjennom informasjon, skilting og merking. Prosjektmidlane skal gå til merking og skilting av turruter i tråd med Merkehåndboka og «Manual – Turskiltprosjektet». Søknadsfrist er 15. februar.

For meir informasjon og søknadsskjema, sjå <https://www.hordaland.no/nn-NO/idrett-og-friluftsliv/friluftsliv/turskiltprosjektet/>

Om noko lag ynskjer å søkja i samarbeid med Radøy kommune, ta kontakt med Bente K. Hervik på tlf. 56 34 90 12 eller e-post [bente.hervik@radoy.kommune.no](mailto:bente.hervik@radoy.kommune.no)

### Leiaropplæring (Radøy kommune)

Det kan gjevast støtte til lag og organisasjonar til å dekkja utgifter til relevante kurs for leiarar, styremedlemer, trenarar og instruktørar i laget. Med relevante kurs meiner ein at kurset skal ha tilbakeføringsverdi til laget. Søknadsfrist heile året.

### Prosjekt- og aktivitetsstøtte (Radøy kommune)

Tilskot kan gjevast til opne kulturarrangement og -prosjekt, og til innkjøp av utstyr. Arrangement og prosjekt som er nyskapande vert prioriterte. Tilskotet er behovsprøvd og kan gjevast som underskotsgaranti eller direkte tilskot. Søknadsfrist heile året.

For meir informasjon om tilskotsordningane, sjå <http://www.radoy.kommune.no/kulturmidlar>



# KULTURPOSTEN DESEMBER 2017

## Prisar til Anita Lunde og Steffen Vestheim Sævdal



Under familiedagen for heltar og skurkar i Radøyhallen 10. desember vart Anita Lunde tildelt prisen som årets motivator og Steffen Vestheim Sævdal prisen som årets organisator. Prisane vert delt ut av Radøy ungdomsråd, og er sponsa av Radøygruppen.

Anita Lunde er kåra til årets motivator både for sitt arbeid i Marås 4H og for innsatsen ho legg ned i Radøy ungdomsklubb og i andre samanhengar, t.d. som veteran-arrangør i UKM. Anita har også vore med i ungdomsrådet i Radøy.

Juryen peikar på at ho stiller opp på arrangement for barn og unge, ho tar initiativ når noko skal gjerast, er ikkje kvien med å ta på seg nye og utfordrande arbeidsoppgåver og er flink til å inkludera andre.

Steffen Vestheim Sævdal fekk organisatorprisen for sitt arbeid innanfor ungdomsklubben, ungdomsrådet og UKM. Han er veteranarrangør i UKM for femte år og er på sitt andre år som leiar i styret i Radøy ungdomsklubb. Han har tidlegare vore leiar i Radøy ungdomsråd. Juryen peikar på at han står på, tar initiativ og er flink til å organisera, han er inkluderande og rettleiar andre.

Me gratulerer Anita og Steffen med prisane!



*Me vil ynskja dykk alle  
ei god jul og eit godt nyttår!*

*Takk for samarbeidet i år!*



RADØY KOMMUNE  
Kultur- og sørvistorget